

zente. Et za 8 over 10 anni ditti frati cazono di ditti monasteri li Conventuali, e hora è sta scaziati loro; però niuno dia far ad altri dispiacer.

Introno li Cai di X in Collegio e terminorono non far ozi il suo Consejo, lassar che sieno electi questi Procuratori, et poi farano la Zonta per veder quelli potrà esser di Zonta, overo di 9 Procuratori, a la Zonta.

Da poi disnar adunca fo audientia publica di la Signoria, et piovete quasi tutto il zorno e fo gran vento.

El reverendissimo Patriarca nostro sta a l'usato la sua egritudine etica, et si procura in loco suo; molti frati si meteno a la prouva, *etiam* prelati, tra li qual il Marzello arziepiscopo di Corfù et il primociero di San Marco Barbarigo. E per far più pregierie, fu fato butar il Pregadi in stampa, sicome si fa li parochiani di le contrade, quando si vol far li piovani.

È da saper. Havendo inteso sier Zacaria Bembo savio a terra ferma che, intrato che sii sier Marin Zorzi el dotor consier a la banca, vol meter di reffar l'officio di Censori, lui avanti zoè questa matina fe lezer che 'l vol far li ditti Censori.

A dì 4. Fo san Francesco. La matina nulla fo di novo.

Da poi disnar fu Gran Consejo per far il secondo Procurator, el rimase sier Alvise di Prioli, era il più vechio Consier, qu. sier Piero procurator, el qual poi rimaso è venuto dentro, sentò al suo loco, e ballotà do voxe, fo ballotà che 'l potesse andar zoso con li soi parenti fra li Consier. E levato, tolse licentia di Compagni, Consieri e Cai di XL e sul tribunal disse: « Ringratio le vostre magnificentie, cussì quelli che mi ha volesto, come quelli che non mi ha volesto ». Et ussì di Consejo. La sera si andò a caxa tutti a tocarli la man e pur senza trombe. E nota, che compito di ballotar li Cai di X, tutti tre, auctor il Foscari, si levono e andono dal Principe dicendo l'è gran vergogna se inten la le ballote di Procuratori per la terra; e dete sagramento uno di essi Cai ai Consieri e Cai di XL di tenirle secrete e cussì al Canzelier gran to e altri secretari; e ordinò le polize siano portate nel Consejo di X. Si le podrò aver, le noterò *sinon autem*, pacientia. Io Marin Sanudo falliti in la Quarantia, ch'è zà anni 39 che vegno a Consejo. Mai più ho tocato a tempo di far Procurator.

El si andò seguendo il balotar di tutte le voxe, che con questi concolisi ombra presto (*sic*) e acadete che ne la proposta el Canzelier grandò non disse di far Conte a Curzola, che l'altro Consejo niun passoe,

e *tamen* publicò li electi, e fo gran rumor in Consejo; pur fono ballotadi.

*Electi Procurator sopra le Commessarie
de citra, iusta la parte presa.*

Sier Marin Zorzi el dotor, fo Podestà a Padoa, qu. sier Bernardo	684.1012
— Sier Luca Trun el savio dil Consejo, qu. sier Antonio	944. 673
Sier Piero Lando, fo podestà a Padoa, qu. sier Zuane	754. 898
Sier Piero Marzello, fo podestà a Padoa, qu. sier Iacomo Antonio cavalier	329.1296
— Sier Polo Capello el cavalier, fo savio dil Consejo, qu. sier Vettor	948. 662
non Sier Andrea Magno, fo capitano a Padoa, qu. sier Stefano, per parentà	— —
Sier Michiel Salamon, fo consier, qu. sier Nicolò	501.1133
— Sier Alvise di Prioli, fo savio dil Consejo, qu. sier Piero procurator	1055. 552
Sier Nicolò Bernardo el savio dil Consejo, qu. sier Piero	707. 907
Sier Antonio Condolmer, fo savio a terra ferma, qu. sier Bernardo	411.1218
Sier Zulian Gradenigo, fo capitano a Padoa, qu. sier Polo	465.1165
Sier Francesco Foscari, fo savio dil Consejo, qu. sier Filippo procurator	434.1191
— Sier Francesco Bragadin, fo savio dil Consejo, qu. sier Alvise procurator	808. 795
Sier Francesco Donado el cavalier, fo capitano a Padoa, qu. sier Alvise	444.1182
Sier Hironimo da cha' da Pexaro savio dil Consejo, qu. sier Beneto procurator	424.1182
Sier Andrea Trivixan el cavalier el savio dil Consejo, qu. sier Tomà procurator	729. 867

1515

Reballotadi quatro

Sier Luca Trun savio dil Consejo, qu. sier Antonio	759. 756
--	----------